

SA's Leading Past Year

Exam Paper Portal



You have Downloaded, yet Another Great
Resource to assist you with your Studies 😊

Thank You for Supporting SA Exam Papers

Your Leading Past Year Exam Paper Resource Portal

Visit us @ www.saexampapers.co.za



**SA EXAM
PAPERS**



basic education

Department:
Basic Education
REPUBLIC OF SOUTH AFRICA

NATIONAL SENIOR CERTIFICATE

LIBANGA 12

SISWATI LULWIMI LWEKUCALA LWEKWENGETA (FAL)

LIPHEPHA LWESIBILI (P2)

INDLOVULENKHULU/MASHI 2013

EMAMAKI: 70

SIKHATSI: 2 ema-awa

Leliphepha linemakhasi lali-20.

TICONDZISO KULABAHLOLWAKO

1. Fundza lelikhasi ngembikwekutsi ucale kuphendvula imibuto.
2. Ungalifundzi lonkhe liphepha lemibuto. Buka lokucuketfwe ekhasini lelilandzelako bese ubeka luphawu kulowo nalowo mbuto lobutwe ngetincwadzi lotifundze lonyaka. Emvakwaloko, fundza leyo mibuto lenetimphawu kuphela bese ukhetsa leyo lofuna kuphendvula yona.
3. Liphepha lemibuto licuketse TIGABA LETINE:

SIGABA A:	Inoveli	(35)
SIGABA B:	Umdlalo	(35)
SIGABA C:	Tindzaba letimfisha	(35)
SIGABA D:	Tinkondlo	(35)
4. Landzela ticondziso ekucaleni kwaleso naleso sigaba.
5. Phendvula ngetincwadzi LETIMBILI lotifundze lonyaka. Phendvula MUNYE umbuto kuyinye ngayinye incwadzi.
6. Tinombolo tetimphendvulo atihambisane naleto temibuto njengobe tinjalo ephepheni lemibuto.
7. Cala LESO NALESO sigaba ekhasini LELISHA.
8. Bhala ngesandla lesibonakalako nalesifundzekako.
9. Siphakamiso sekulawulwa kwesikhatsi:

SIGABA A:	Lokungenani emaminithi la-30.
SIGABA B:	Lokungenani emaminithi la-30.
SIGABA C:	Lokungenani emaminithi la-30.
SIGABA D:	Lokungenani emaminithi la-30.

LUHLA LWEKUTIKHUMBUTA

Lelikhasi litawusita bahlolwa ekukhetseni imibuto LABAFUNA kuyiphendvula ngaphandle kwekufundza lonkhe leliphepha lemibuto.

SIGABA A: INOVELI			
Phendvula NOBE NGUWUPHI UMBUTO UBE MUNYE.			
INOMBOLO YEMBUTO/INCWADZI	UMBUTO	EMAMAKI	LIKHASI
1. <i>Kwasha Tikhotsa</i>	Umbuto loyindzabambhalo	35	5
NOBE			
2. <i>Kwasha Tikhotsa</i>	Imibuto lemifisha	35	5
SIGABA B: UMDLALO			
Phendvula NOBE NGUWUPHI UMBUTO UBE MUNYE.			
3. <i>Lahloma Ladvuma</i>	Umbuto loyindzabambhalo	35	8
NOBE			
4. <i>Lahloma Ladvuma</i>	Imibuto lemifisha	35	8
SIGABA C: TINDZABA LETIMFISHA			
Phendvula NOBE NGUWUPHI UMBUTO UBE MUNYE.			
5. <i>Litsambo</i>	Umbuto loyindzabambhalo	35	11
NOBE			
6. <i>Litsambo</i>	Imibuto lemifisha	35	11
SIGABA D: TINKONDLO			
Phendvula NOBE NGIYIPHI IMIBUTO IBE MIBILI			
7. Intfutwane	Imibuto lemifisha	17½	14
NOBE			
8. Umtapo	Imibuto lemifisha	17½	15
NOBE			
9. Ncamul' Emave	Imibuto lemifisha	17½	17
NOBE			
10. Mnukubeti Wemvelo	Imibuto lemifisha	17½	19

LUHLA LWEKUTIKHUMBUTA:

Lelikhasi litawusita bahlolwa ekucinisekeni kutsi baphendvule imibuto lefanele.

SIGABA	TINOMBOLO TEMIBUTO	LINANI LEMIBUTO LEPHENDVULIWE	THIKHA
A: Inoveli (Indzabambhalo nobe imibuto lemifisha)	1–2	1	
B: Umdlalo (Indzabambhalo nobe imibuto lemifisha)	3–4	1	
C: Tindzaba letimfisha (Indzabambhalo nobe imibuto lemifisha)	5–6	1	
D: Tinkondlo (Tinkondlo letifundvwe eklasini)	7–10	2	

SIGABA A: INOVELI

Phendvula indzabambhalo nobe imibuto lemifisha.

UMBUTO 1: KWASHA TIKHOTSA – LL Dlamini

Bhala indzabambhalo lenemagama langabi ngetulu kwala-240 uphawule ngekutfutuka kwalenzaba yonkhe ubhekise kulabalingisi labalandzelako:

- Mswati wesibili
- Tsandzile
- Somcuba
- Sandlane

[35]**UMBUTO 2: KWASHA TIKHOTSA – LL Dlamini**

Fundza lethekesthi bese uphendvula imibuto letawulandzela.

'Somcuba ngamniketa sigodzi sakaMahamba ngatsi akahlale khona abe liso lami. Ndlela ngamniketa sigodzi sakhe kutsi abe ngumholi kuso. Fokotsi ngamabela yakhe indzawo. Baniketwa imfuyo nebantfu labatawuba ngaphasi kwabo. Kuko konkhe loko lengabentela kona, umbongo wabo kutsi bangicijele tinciji, bangicuphele netifu.'

'Umntfu akabongwa asaphila, kodvwa ubongwa safile. Konkhe lewukwentako nyalo ndvodzana ungalindzeli kubongwa kuko.' 'Makhulu lawo mavi make. Ngitawenta njengekusho kwakho.' 'Emandla ekulwa nabomnakabo Mswati bekanawo, kodvwa bekabona kutsi utawube wente liphutsa lelikhulu uma angalwa nabo ngaphandle kwekuhlala phasi nabo babonisane kutsi kungaphela njani kungevani emkhatsini wabo.' 'Litsemba alilahlwana ndvodzana.' 'Ngiyeva make angeke ngililahle litsemba. Sitawuhlala phasi sibonisane nabo kuze tonkhe tintfo tilunge,' kusho Mswati akhombisa kutsi uphatseke kabi ngaloku lokwentiwa bomnakabo. Kuko konkhe lokwenteka, Mswati bekabambelele emavini manye latsi akukho lokwendlula kucocisana. Watsi akahambe unina, wabita Khambi. 'Hamba uye kuMahamba naseBhadzeni uyongibitela Fokotsi, Ndlela naSomcuba ubacele bete lapha eLudzidzini.'

'Ngeke liwele phasi lakho Ngwenyama.' Kuphendvula Khambi. Akamange acitse sikhatsi, watsatsa tindvuku takhe waphuma. Kutfunywa Khambi nje, Sicobolonjwane usetinkhalweni uyaticobolondza. Utitsatsa tingemaciniso nome tingemanga.

Mswati abengenako kuphumula ngabomnakabo futsi bekangati kutsi kumele atsatseni ayibhice nani kuze simo sibe sihle. Watsi asatihlalele nje elawini lakhe, kwakhulekela Sicobolonjwane.

'Nguwe Dzabulatinkhalo!'

'Ngimi Ngwenyama yesive.'

'Titsini telive Sicobolonjwane?'

'Tinkhulu tingangeLubombo Ngwenyama.'

'Hawu! Utsini Sicobolonjwane? Utsini nhloli yami?'

'Telive atipheli Ngwenyama. Ticake tisticako! Tidida tiyindida! Tiphica tiyimphicabadzala! Yentekile indzaba kubantfwana baSoshangane.'

'Bantfwana baSoshangane lona lowahlubuka mkhulu Zwide ngesikhatsi lishakatiswa nguShaka?'

'Yebo, Ngwenyama,' kuvuma Sicobolonjwane.

'Khuluma ngive Sicobolonjwane uyekele kugigiyela nekushashanisa. Kwentekeni kuboMzila naMawewe? Tihlobo tami leti lewukhuluma ngato. Uyise wato bekungundvunankhulu wamkhulu wami lotala make. Lolwa nabo kuyafana nekutsi ulwa nami. Chaza yonkhe indzaba ngive,' kusho Mswati ajahe kuva ngabe kwentenjani ngaboMzila naMawewe. 'Kubuhlungu kuyadzabukisa Ngwenyama, ngobe Mzila nemabutfo akhe uhlasela Mawewe wamdvudvula wamweta uMlumati. Ngikhuluma nje ulena kaHhohho ungumndzindzi khona.'

2.1 Ngubani inhloli yaMswati wesibili?
Khetsa yinye imphendvulo:

- A Khambi
- B Sicobolonjwane
- C Giba
- D Mawewe

(1)

2.2 Bhala ligama lesigodlo saMswati wesibili lesitfolakala kuletheksthi lengenhla.
Khetsa yinye imphendvulo:

- A Eludzidzini
- B Ekufinyeni
- C Emjindini
- D Ebhadzeni

(1)

2.3 Ligama lelisetjentisiwe etheksthini leliso Mswati wesibili nguleli lelitsini?
Khetsa yinye imphendvulo:

- A Sandlane
- B Sicobolonjwane
- C Ngwenyama
- D Khambi

(1)

2.4 Yini tifu?
Khetsa yinye imphendvulo:

- A Tinciji
- B Emafu
- C Lihawu
- D Tinkinga

(1)

2.5 Nguwuphi umfula lobhalwe kuletheksthi?

(1)

2.6 KULICINISO nobe KULIPHUTSA kutsi Mswati wesibili bekafuna kubabulala banakabo? Sekela imphendvulo yakho.

(2)

2.7 Kusho kutsini kutsi umuntfu akabongwa asaphila, kodvwa ubongwa asafile?

(2)

2.8 Watfunywaphi Khambi futsi ayokwentani?

(2)

- 2.9 Abecondze kutsini make waMswati wesibili ngalengkulumo? 'Litsemba alibulali.' (2)
- 2.10 Yini lena beyenta Mswati wesibili angabi nako kuthula? Bhala emaphuzu abe MABILI. (2)
- 2.11 Lamavi lalandzelako akhulunywa ngubani? Kwentenjani? 'Umntfu akabongwa asaphila, kodwa ubongwa safile. Konkhe lewukwentako nyalo ndvodzana ungalindzeli kubongwa kuko.' (2)
- 2.12 Buhlobo buni lobabukhona emkhatsini waMswati naMawewe? (2)
- 2.13 Condzanisa emagama lakuKHOLOMU A netimphendvulo letikuKHOLOMU B.

KHOLOMU A		KHOLOMU B	
2.13.1	Khambi	A	Unina lomncane waMswati
2.13.2	Khubalo	B	Inceku yaMswati
2.13.3	Imigadlela	C	Inyanga yesive
2.13.4	File	D	Libutfo lenkhosi

(4 x 1) (4)

- 2.14 Ngabe lukhona yini ludvweshu kulenzaba yonkhe emkhatsini waMswati nebanakabo? (2)
- 2.15 Chaza kutsi umbhali usivetele Tsandzile njengemlingisi lonjani. Sekela imphendvulo yakho. (2)
- 2.16 Sitfolo siphi sifundvo kulenovele? Bhala emaphuzu LAMABILI. (2)
- 2.17 Ngukuphi lokuhle lokwentiwa nguMswati wesibili kubanakabo? Bhala emaphuzu abe MABILI. (2)
- 2.18 Kwentani kugigiyela? Sekela imphendvulo yakho ubhekise kuletheksthi lengenhla. (2)
- 2.19 Yini indzaba Sicobolonjwane abitwe ngaDzabulatinkhalo? Sekela imphendvulo yakho ubhekise kuletheksthi lengenhla. (2)

[35]**SAMBA SIGABA A: 35**

SIGABA B: UMDLALO

Phendvula indzabambhalo nobe imibuto lemifisha.

UMBUTO 3: LAHLOMA LADVUMA – Z Motsa

Bhala indzabambhalo lenemagama lasemkhatsini we-190 ne-240 uphawule ngebalingisi LABATSATFU labamcoka kulomdlalo usho kutsi yini lenhle nalembi ngabo.

[35]**NOBE****UMBUTO 4: LAHLOMA LADVUMA – Z Motsa**

Fundza lethekesthi lelandzelako bese uphendvula imibuto letawulandzela.

NDVUKUTEMPHI: Zulu, yekela intfombi yami awuva yini?

QEDIZIZWE: Uma ngingayeki? Uzokwenzani? (*Solo umkine tandla.*) Ungathi wehlulwa nayizidakwa oVusematfwa nabaqhamuki abathethe umbuso ubhekile ubese ucabanga ukuthi ungalwa nami? Lingawa Nozinja kababa! Uyazethemba nsizwa ngimfung' uNozinja phansi kwentaba! (*Ndvukutemphi atsi nyomu sikhali emtsangaleni acale amvikise Qedizizwe. Masinyane ayekele Madzandza Qedizizwe, abukane naNdvukutemphi kodvwa angakahlomi ngalutfo yena. Ngalesosikhatsi agijime Madzandza ayewunamatsela elutsandzane abashiye enkhabeti yendlu.*)

MADZANDZA: (*Akhala*) Temphi, myekele aphume bo nitawuze nilimatane!

NDVUKUTEMPHI: Angedzelelwa mine, naye uyakwati loko! (*Bachubeke bavikisane. Khona manjalo, siphunyuke sikhali kuNdvukutemphi siwele phasi, asihlwitse Qedizizwe asihlome enhlityweni kuNdvukutemphi.*)
A-a-a-wu! Wangibulala Zulu! Ngenteni?
Madza-a-andza! (*Etame kwelula sandla asibhekise kuMadzandza.*)

MADZANDZA: (*Agijimele kuNdvukutemphi lose awele phasi.*)
Temphi – Temphi! Qedizizwe, nibangani?

NDVUKUTEMPHI: Madzandza mntfwanaketfu, ngicolele. Sita unike babe umntfwanami u ... mm ... (*Aphelele etandleni taMadzandza.*)

MADZANDZA: (*Ngalelipholile lelibandza mpo*). Phuma!
Phuma mtsakatsi nemkhunkhuli! Phuma!
Ungate ucabange kungeta lesimnyama nami! Ayigubhe! (*Abindze abuke sidvumbu abuye abuke Qedizizwe losolo emile abambe sikhali.*)

- 4.1 Babangani boQedizizwe naNdvukutemphi kuletheksthi? Khetsa yinye imphendvulo:
- A Bukhosi
 - B Tjwala
 - C Madzandza
 - D Umntfwana
- (1)
- 4.2 Ngubobani lababitwa ngetidzakwa nebachamuki kuletheksthi? Khetsa yinye imphendvulo:
- A NguSigwaca naTfolwane
 - B NguVusematfwa naTsembative
 - C NguKhetsiwe naMadzandza
 - D IMbiba naNdvukutemphi
- (1)
- 4.3 Lemphi lelapha kuletheksthi lengenhla yenteka kuphi? Khetsa yinye imphendvulo:
- A Esiyalwini
 - B Emphelave
 - C Esigodlweni
 - D Endleleni
- (1)
- 4.4 Lesento sembhali sekusebentisa tilwimi letimbili siwusita ngani lomdlalo? Khetsa yinye imphendvulo:
- A Siwusita ngekutsi lomdlalo udlaleke emaveni lahlukene.
 - B Siwusita ngekutsi umuntfu ngeke aphile kulelinye live.
 - C Siwusita ngekutsi umuntfu akatigcabhe ngelulwimi lwakhe.
 - D Siveta kutondza lulwimi lwebantfu baletinye tive.
- (1)
- 4.5 Tsembative ubitwa ngemchamuki nje bekafunani esiveni seBatfwa? Khetsa yinye imphendvulo:
- A Bekatfungatsa uyise langamati
 - B Bekafuna intfombi langashada nayo
 - C Bekabalekele emacala akhe
 - D Bekafuna bukhosi beMatfwa
- (1)

4.6 Condzanisa emagama lakuKHOLOMU A netimphendvulo letikuKHOLOMU B.

KHOLOMU A		KHOLOMU B	
4.6.1	Sigwaca naTfolwane	A	Lutsandvo luyatikhetsela
4.6.2	Kuphahlaka kweludziwo	B	Vusematfwa ulibele kunatsa tjwala
4.6.3	Sifundvo	C	Tindvuna teMbiba
4.6.4	Bukhosi buyalahleka	D	Kubekwa Tsembative njengenkhosi
4.6.5	Indlovukati	E	Ndvukutemphi uphebete ngesandla
4.6.6	Livutfondzaba	F	Khetsiwe

(6 x 1) (6)

4.7 IMbiba ivela njengemcabanisi kulomdlalo. Utsini wena? Sekela umbono wakho. (2)

4.8 Chaza kubumbana kwendzawo nebadlali kuletheksthi lengenhla. (2)

4.9 Ngekubona kwakho yini lefunwa nguTsembative kakhulu emkhatsini webukhosi naKhetsiwe kulomdlalo? Sekela imphendvulo yakho ngemaphuzu LAMABILI. (2)

4.10 Sibe yini siphetfo saVusematfwa kulomdlalo? Chaza ngemaphuzu LAMABILI. (2)

4.11 Kufa kwaNdvukutemphi kuyayisombulula yini inkinga yembango webukhosi kulomdlalo? Chaza. (2)

4.12 Ucoliselani Ndvukutemphi kuMadzandza ngembi kwekutsi afe? (2)

4.13 Tomula inkhulumo lekuletheksthi lengenhla lekhomba kutsi Madzandza beka lamaula. (2)

4.14 Ngabe ludvweshu lolukhona kuletheksthi lengenhla luyahambisana yini nemnyakato? Sekela ngeliphuzu LINYE. (2)

4.15 Madzandza uvetwe njengemuntfu lomela emalungelo akhe kulomdlalo. Sekela lombono ngeliphuzu LINYE. (2)

4.16 Similo saQedizizwe kuletheksthi siwufundzisani ummango? Sekela ngalokusendzabeni ngemaphuzu LAMABILI. (3)

4.17 Ndvukutemphi sewufile. Kukhona yini kumvela buhlungu? Sekela imphendvulo ngemaphuzu LAMABILI. (3)

[35]**SAMBA SIGABA B: 35**

SIGABA C: TINDZABA LETIMFISHA

Phendvula indzabambhalo nobe imibuto lemifisha.

UMBUTO 5: *LITSAMBO* – EJ Mhlanga

Bhala indzabambhalo lenemagama lasemkhatsini we-190 ne-240, ngetifundvo letitfolakala kulendzatjana 'KUHLE KETFU'.

[35]**NOBE****UMBUTO 6: *LITSAMBO* – EJ Mhlanga**

Fundza lethekesthi lelandzelako bese uphendvula imibuto letawulandzela.

Ngisatsi ngiyaphakela nango Sifiso achamuka ahefutela angitjela kutsi kunesilwane lesikhalako esikhwameni sami sewashini.

Kwatsi sengicedzile ngashona ekamelweni sengiyotsatsa sipashi sami ngobe sikhatsi sekuya emsebenzini besesondzele. Ngatsi ngingena ekamelweni ngeva tswitswi ... tswitswi ... tswitswi. Hhayi ngetfuka kangaka. 'Hha! nemambala Sifiso ushito, nalo ligundvwane likhala bo! Likhaphi leligundvwane? Abaloyi, abaloyi, yenabakitsi! Longatsi vele likhala lapha esikhwameni sewashini. Kepha lingene nini?'

Ngaleso sikhatsi Sifiso umele khashane, sewuvele lapha emnyango uyahlola.

'Ehena make! Iyana, nikutjeyiye natsi shilwane shingenile esikhwameni shakho,' kusho Sifiso.

'Yeheni! Labatsakatsi balapha eTjakastad ngabe sebacalile bangibangisa lendlu yami yaseWitbank. Cha, angingaphutisi, angivele ngicondze kuKhekhekhe.' Ngangena endumbeni yaKhekhekhe.

'Ematsambo angitjela atsi tintfo tebantfu leti bakudlela umona ngobe uyaphumelela kuko konkhe lokwentako,' kusho Khekhekhe emva kwekuba ashaye ematsambo wawafundza amtjela loko lamtjela kona. 'Manje makhosi leligundvwane lelikhala esikhwameni sami lifakwe ngubani?' Kubuta mine ngekulangatelela.

'Makoti, ngibona indvodza shengatsi iyakutsandza. 'Akusilo ligundvwane lelikhalako. Ngemalumbo lawo lakhalisa kweligundvwane.'

'Manje ngitakwenta njani makhosi?'

'Wena khipha emakhulu lasihlanu emarandi, ngikulungisele lenkinga yakho.'

Saphuma-ke sahamba naKhekhekhe sesicondze lapho ngihlala khona. Khekhekhe wahamba embili aphetse lishoba. Kunemushana nami langinike wona kanye nesigojwana kutsi ngisicucudze. Wasitsi cuku sikhwama, waphuma naso, wasivula ngaphandle wasibhekisa phasi watfulula yonkhe lewashini. Ngatsi ngisagadze kutsi kutawuphuma ligundvwane, bhalakaca phasi intfo lemnyama. 'Hawu ngumakhalekhikhini! Ngagobondzela ngamtsatsa. Ngisamphetse, lakhala futsi ligundvwane. Ngamchafata ngambeka endlebeni sandla sichucha 'Sawubona phela nonoza wami, uhambe njani? Alikakulumi ligundvwane lakho?' kusho Msibi ahleka. 'Hhawu! Ndondlo wami kodvwa ungetfuselani kangaka?' Ngatsi nangicalata Khekhekhe, ngamkhandza angasekho.

- 6.1 Uyini umsebenti waLaTfwala? Khetsa YINYE imphendvulo:
- A Bekangunesi
 - B Bekalikhansela
 - C Bekanguthishela
 - D Bekangumabhalane
- (1)
- 6.2 Lendzatjana yenteka kusiphi sikhatsi? Khetsa YINYE imphendvulo:
- A Sikhatsi sendlala
 - B Sikhatsi setimphi
 - C Sikhatsi sakudzala
 - D Sikhatsi sanyalo
- (1)
- 6.3 Khekhekhe wambita malini kuLaTfwala kutsi kutfolakale leligundwane leliviwa nguSifiso? Khetsa YINYE imphendvulo:
- A R140,00
 - B R500,00
 - C R200,00
 - D R80,00
- (1)
- 6.4 Abekusho ngani Sifiso kutsi loku lokukhalako esikhwameni senina ligundwane? Sekela ngeliphuzu LINYE.
- (1)
- 6.5 Ngekubona kwakho yini leyabalekisa Khekhekhe?
- (1)
- 6.6 Esiphetfweni salendzaba LaTfwala watibamba kutsi atjele Msibi kutsi besekaye kuyocela lusito kuKhekhekhe. Yini imbangela yaloko? Nika emaphuzu abe mabili.
- (2)
- 6.7 Bhala sifundvo ummango losifundza kulendzaba ngemaphuzu LAMABILI.
- (2)
- 6.8 Msibi ungubabe lokhombisa lutsandvo enkhosikatini yakhe. Bhala kube KUBILI lokufakazela loko.
- (2)
- 6.9 Singeniso salendzatjana ngabe siyaheha yini? Sekela ngeliphuzu LINYE.
- (2)
- 6.10 Chaza incikitsi yalendzatjana ubhekise kuLaTfwala.
- (2)
- 6.11 Ngemaphuzu LAMABILI, bhala lokujabulisa LaTfwala ngekuba nelikhaya edolobheni laseWitbank.
- (2)
- 6.12 Wena ucabanga kutsi umbhali walendzaba usibhale wasibeka kuphi sicongo/luvutfondzaba kulendzaba?
- (3)
- 6.13 Lesimo senkhulumo lesitsi 'Ngibona indvodza shengatsi iyakutsandza' sihlangu njani nesiphetfo salendzatjana? Bhala emaphuzu LAMABILI.
- (3)

- 6.14 Ngekubona kwakho Khekhhekhe abeyinyanga lenjani ngekwesimilo? Sekela ngemaphuzu LAMABILI. (3)
- 6.15 LaTfwala ungumake longatsatseli tintfo etulu. Ingabe loku kunguMBONO nobe LICINISO? Sekela imphendvulo yakho ngemaphuzu LAMABILI. (3)
- 6.16 Yini inkholelo yaLaTfwala uma ufundza lesicashunwa lesingenhla? Bhakisa imphendvulo yakho esicashunweni. Sekela imphendvulo yakho ngemaphuzu LAMABILI. (3)
- 6.17 Siphetfo salendzaba ngabe sinayo yini ingwijikhwebu? Sekela imphendvulo yakho ngemaphuzu LAMABILI. (3)

[35]

SAMBA SIGABA C: 35

SIGABA D: TINKONDLO

Phendvula nobe nguyiphi imibuto lemibili.

UMBUTO 7: LETFWESE – JJ Thwala

Fundza lenkondlo lengentasi bese uphendvula imibuto letawulandzela.

Intfutwane – MJ Thwala

- 1 'Ngisebente sikhatsi sisekhona.'
- 2 'Ngicabangele sikhatsi lesitako.'
- 3 Yati tilimela temnyaka
- 4 Njengentfutwane letatiko,
- 5 Leyati kutsi kunebusika nelihlobo,
- 6 Nekutsi kunelikwindla nentwasahlobo.
- 7 Yati kutsi sikhatsi siyahamba.
- 8 Lokuhle kulandzele lokubi
- 9 Nalokubi kulandzele lokuhle,
- 10 Konkhe kuhamba njengesikhatsi.
- 11 Ngente ngibe njengentfutwane
- 12 Leyati sikhats' ingenaliwashi,
- 13 Leyati teliv' ingena libalave,
- 14 Leyat' imphil' ingafundziswa.
- 15 Ngente ngibe njengentfutwane,
- 16 Ngisebente sikhatsi sisekhona,
- 17 Ngicabangele sikhatsi lesitako
- 18 Lesimatim' emphilweni yami.
- 19 Ngiklomelise ngenkhutsalo yentfutwane,
- 20 Ngisebente kamatima ngikhohlwe
- 21 Telve letihlasimulis' umtimba,
- 22 Tingente ngiphefumule kamatima.
- 23 Ngente ngiphile njengentfutwane,
- 24 Lenelikhaya lekuphephela nasekubhoke
- 25 Emakhata nemimoya yebusika,
- 26 Netimvula telihlobo.

7.1 Hlobo luni lwemvumelwano lolutfolakala kulemigca lengentasi?

'**Ng**isebente sikhatsi sisekhona.'

'**Ng**icabangele sikhatsi lesitako.'

Khetsa imphendvulo YINYE:

- A Luchumanosicalo
- B Luchumanosigcino
- C Imvumelwanosicalo
- D Imvumelwanosigcino

(1)

- 7.2 Hlobo luni lwesifanamsindvo lesikulomugca lolandzelako?
'**Ngente** **ngibe** njengtutfwane' (1)
- 7.3 Nawubuka wena sonkondlo uyibhekise kubobani lenkondlo? (1)
- 7.4 Kungani sonkondlo anike lenkondlo sihloko lesitsi, 'Intfutfwane'? (1½)
- 7.5 Bhala luhlobo lwesinongo lolutfolakala emgceni we-23, uphawule nekubumbana kwaso nenkondlo ngeliphuzu LINYE. (2)
- 7.6 Bhala lokushiwo inkondlo ngemaphuzu LAMABILI. (2)
- 7.7 Phawula ngephethini yalenkondlo ngemaphuzu LAMABILI. (2)
- 7.8 Yini loyifundzako ngalomugca longentasi:
'Ngiklomelise ngenkhutsalo yentfutfwane' (2)
- 7.9 Bunkondlo buni lobutfolakala kulomugca lolandzelako? Budwebele.
'Lokuhle kulandzele lokubi'. (2)
- 7.10 Ngumoya lonjani lotfolakala enkondlweni? Sekela imphendvulo yakho ngemaphuzu LAMABILI? (3)
[17½]

NOBE**UMBUTO 8**

Fundza lenkondlo lengentasi bese uphendvula imibuto letawulandzela.

Umtapo – CD Masilela

- 1 Gogo ngungu yesive,
- 2 Uyincwadzi lehamba ngetinyawo
- 3 Ungumtapo wetincwadzi emphilweni yetfu,
- 4 Emaphiko akho asifukamela sonkhe.
- 5 Kuwe angisiye umntfwana wesihlahla.
- 6 Angisiye umlanjwana, ngingumntfwana wagogo.
- 7 Ngiyingati yakho ngingumntfwanakho gogo.
- 8 Uyadvondvolotela kepha uludvondvolo lwetfu.
- 9 Uyinsimu lesiyivuna sonkhe ngekukhululeka
- 10 Ulibhange letfu kantsi uyinkhomazi yetfu
- 11 Unjengesikolo kitsi, ungucedzasitunge.
- 12 Naloku ematsambo sekaphikisana nenhlitiyo,
- 13 Kepha inhlitiyo yakho inguphethiloli
- 14 Lokuvuselelako, unyatsele ngemandla
- 15 Siyabonga gogo, loligugu
- 16 Ungumtapo loligugu etitukulwaneni!

- 8.1 Hlobo luni lweluchumano lesilutfole kunayi imigca lelandzelako?
Khetsa imphendvulo YINYE:
'Angisiye umlanjwana, ngingumntfwanakho **wagogo**.
Ngiyingati yakho ngingumntfwanakho **gogo**.'
- A Luchumanosicalo
B Luchumanosigcino
C Luchumanomaphakatsi
D Luchumano lolutjekile (1)
- 8.2 Bunkondlo buni lobutfolakala kulomugca we-11? (1)
- 8.3 Sifombe sini lesakhiwa ngulomugca kulona lofundzako?
'Emaphiko akho asifukamela sonkhe.' (1½)
- 8.4 Ucondze kutsini sonkondlo kulomugca longentasi?
'Uyincwadzi lehamba ngetinyawo' (2)
- 8.5 Usitjelani sonkondlo ngalemigca lelandzelako?
'Naloku ematsambo sekaphikisana nenhlitiyo,
Kepha inhlitiyo yakho inguphethiloli' (2)
- 8.6 Ngemaphuzu LAMABILI bhala umoya walenkondlo. (2)
- 8.7 Bhala bunkondlo lobutfolakala emigceni ye-13 neye-14? Sekela imphendvulo yakho ngeliphuzu LINYE. (2)
- 8.8 Nhloboni yenkondlo lena lengenhla? Sekela imphendvulo yakho ngemaphuzu LAMABILI. (3)
- 8.9 Ngemaphuzu LAMATSATFU bhala kujula kwalenkondlo. (3)
- [17½]

NOBE

UMBUTO 9

Fundza lenkondlo lengentasi bese uphendvula imibuto letawulandzela.

Ncamul' Emave – SR Mdluli

- 1 Inhlitiyo lengalali namuntfu
- 2 Ibubula ingacedzi namuhla
- 3 Ngitiva tehla nesibibitfwane singasiti
- 4 Idzabuka ingeke iletse mehluko
- 5 Timsitsile tintsaba letikudze Ncamul' emave
- 6 Namuhla ngikudla kwemizindlo nemicabango
- 7 Ingabe uyawubuya aphila nje nebakitsi?
- 8 Ngubani longakhohlwa ngulesa simomondiya
- 9 Sikhikhikhi Lomagadvula sishingishane selucobo
- 10 Uma sekujika ekhoneni kudzela sibukeli
- 11 Abelesele asho ngaleliphasi livi
- 12 Ngimoyitele kancane ngisho ngekutichenya
- 13 Ncamul' emave tintsaba tiyamdedela!
- 14 Uma agezile wapolishwa kudzela botsotsi
- 15 Umkhandza asakhukhumukise emahlombe asacunusile
- 16 Ubone ngemehlo kutsi simele kutsintfwa silwane
- 17 Uyalalela akasuye sonkhanise Ncamula
- 18 Ubhukula imincele aye kuleSwatini ngekwetsembeka
- 19 Akakhononi ngisho akhonjwa leya eKZN indlela
- 20 Sifungo sekutsi siyofa silahlane sisecinile
- 21 Sinini sami lesihambe naye namuhla
- 22 Sibika baphetsene kahle eluhambeni.
- 23 Nangu achamuka egedeni sebamletsile
- 24 Nangu amandzatela ngebusokati
- 25 Waba lilanga lucobo namuhla!
- 26 Ncamul' emave tintsaba tiyamdedela.

9.1 Hlobo luni lwemvumelwano lesilutfole kunayi imigca lelandzelako?
'Inhlitiyo lengalali namuntfu
Ibubula ingacedzi namuhla'

(1)

9.2 Ucondze kutsini sonkondlo kulomugca longentasi?
'Akakhononi ngisho akhonjwa leya eKZN indlela'
Khetsa imphendvulo YINYE:

- A Ncamul'emave uhamba indzawo lendze.
- B Ncamul'emave akavumi kuya nobe kukuphi.
- C Ncamul'emave uhamba indzawo lemfisha.
- D Ncamul'emave uyavuma kutsi aye nobe kukuphi.

(1)

- 9.3 Bunkondlo buni lobutfolakala kulemigca lengentasi?
Ngubani longakhohlwa ngulesa simomondiya
Sikhikhikhi Lomagadvula sishingishane selucobo
Khetsa imphendvulo YINYE:
- A Sidvonsamoya
B Simuntfutisi
C Imphindza
D I-enjambamenti (1)
- 9.4 Hlobo luni lweluchumano lesilutfole kunayi imigca lelandzelako?
Nangu achamuka egedeni sebamletsile
Nangu amandzatela ngebusokati
Khetsa imphendvulo YINYE:
- A Luchumanosicalo
B Luchumanosigcino
C Luchumanomaphakatsi
D Luchumano lolutjekile (1)
- 9.5 Bhala ingcikitsi yalenkondlo usekele ngekucaphuna umugca enkondlweni. (1½)
- 9.6 Phawula ngemoya wenkondlo, usekele ngeliphuzu LINYE. (2)
- 9.7 Ikhuluma ngani lenkondlo? Bhala emaphuzu LAMABILI. (2)
- 9.8 Dwebela sifanamsindvo bese usho neluhlobo lwaso.
'Sifungo sekutsi siyofa silahlane sisecinile' (2)
- 9.9 Usitjelani sonkondlo ngalomugca lolandzelako?
'Sifungo sekutsi siyofa silahlane sisecinile' (2)
- 9.10 Ucondze kutsini sonkondlo kulomugca longentasi?
'Ngitiva tehla nesibibitfwane singasiti' (2)
- 9.11 Shano kutsi kungani kutsiwe lesinongo lesilandzelako sisimuntfutiso.
'Ubone ngemehlo kutsi simele kutsintfwa silwane' (2)
- [17½]

NOBE

UMBUTO 10

Fundza lethekesthi lelandzelako bese uphendvula imibuto letawulandzela.

Mnukubeti Wemvelo – AT Fakude

- 1 Utsini ngalomoya lowunukubeta nsuku tonkhe?
- 2 Utsini ngalamanti lowakhipha sitfunti?
- 3 Utsini ngalomhlaba lowukhipha buwona?
- 4 Utsini ngalolwandle loluncisha inhlonipho?
- 5 Vele sonkhe sesihlukubetekile,
- 6 Vele sonkhe sesihluphekile,
- 7 Sekwanele Mhlukubeti ndzini.
- 8 Salusikhawula ngekushesha.
- 9 Emabhodlela, emabhodlela emigwacweni yetfu
- 10 Asihlaba sihlabeke enyameni yetfu
- 11 Emaphepha, emaphepha emabaleni etfu
- 12 Tincamu, tincamu etindleleni tetfu
- 13 Tincamul' imphilo yetfu eveni ngekushesha
- 14 Kantsi yini ngawe Mnukubeti?
- 15 Kantsi wabhunyiselwa ngatiphi wena?
- 16 Usilwane cobo lwaso wena
- 17 Sekwanele Mnumzane – COLA.
- 18 Mnukubeti, Mnukubeti.
- 19 Cabanga, ucabangisise,
- 20 Zindla uzindlisise
- 21 Tinsuku takho setibaliwe,
- 22 Salakutjelwa sibona ngemopho.

- 10.1 Bunkondlo buni lobutfolakala kulamagama ladvwetjelwe kulemigca lelandzelako?

'Utsini ngalomoya lowunukubeta nsuku tonkhe?

Utsini ngalamanti lowakhipha sitfunti?'

Khetsa imphendvulo YINYE:

- A Imvumelwanosicalo
- B Imvumelwano lecondzile
- C Luchumano lolucondzile
- D Luchumanosicalo

(1)

- 10.2 Sitsini sihloko salenkondlo?
Khetsa imphendvulo YINYE:

- A Umtapo
- B Tati Kutsi Ungubani
- C Mnukubeti Wemvelo
- D Kuya Ngani?

(1)

- 10.3 Bhala luhlobo lwesinongo lesitfolakala emgceeni we-16. (1)
- 10.4 Dwebela luhlobo lwesifanamsindvo lesitfolakala emgceeni we-11, usho neluhlobo lwaso. (1½)
- 10.5 Phawula ngephethini yalengkondlo. Bhala emaphuzu LAMATSATFU. (3)
- 10.6 Ucondzeni sonkondlo kulomusho lolandzelako? 'Tinsuku takho setibaliwe' (2)
- 10.7 Bhala lokushiwo inkondlo ngemaphuzu LAMABILI. (2)
- 10.8 Phawula ngekubumbana kwesaga lesitsi, 'Salakutjelwa sibona ngemopho' ubhekise kulenkondlo lengenhla. (2)
- 10.9 Phawula kutsi kungcola kwemvelo kunamphumela muni etimphilweni tebantfu. Bhala emaphuzu abe MABILI. (2)
- 10.10 Lemphindza lesetjentiswe ngusonkondlo enkondlweni ngabe sonkondlo uyisebentiselani? Sekela imphendvulo yakho ngemaphuzu LAMABILI. (2)
[17½]

SAMBA SIGABA D: 35
SAMBA SISONKHE: 70